

31 *Januari* 1566 (1567).

*Missive du Prince d'Orenge au Magistrat de la ville d'Anvers,
en date du dernier de Janvier 1567.*

MESSIEURS,

J'ay receu vostre lettre du XXIIII^e de ce mois à Leyden ; et, comme le lendemain je me partiz, et qu'en aultres lieux de mon passaige, n'ay guerres arresté, ay mené le messagier jusques en ceste ville. En premier lieu, Messieurs, je vous mercie des particulières advertances contenues en la dicte lettre, et puis très-bien considérer que vous trouvez bien empeschez, d'ung costel, ensuivre et faire observer ce qu'il a pleu à Madame vous mander, et, d'aultre costel, contenir les bourgeois et la commune en leur office et devoir. Néantmoins, il convient faire de sorte afin que la

(1) Aangehaald D. X, b'z. 185.

ville d'Anvers puisse demourer en sa prospérité, repos et tranquillité, que je désire singulièrement : car cela ne puist redunder, sinon au service de Sa Majesté. De ma part, povez estre assuré, où je pourray faire quelque plaisir ou service à la dicte ville et à vous aultres, Messieurs, en particulier et général, me trouverez à vostre commandement. Sur ce, me recommandant en voz bonnes grâces, prie Dieu vous donner en santé longue vie. De Breda, le dernier jour de Janvier 1567.

Soubz estoit escript : Quant aux placcars, puisque les avez faict publier, n'en feray redite.

Et plus bas : Vostre affectionné amy et voisin : GUILLAUME DE NASSAU.

Et sur le doz : A Messieurs les Bourgmaistres, Eschevins et Conseil de la ville d'Anvers.

Receu le premier de Febvrier 1566, stil (de Brabant).

Collationnée aux originelles, est trouvée
accorder par moy,

A. GRAPHEUS. (1)
